

Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

grammataeus aulicum suum iudicem. Uterque ergo in hac sua messe pro viribus et possibilitate strenue laboravit neque enim adhuc ultro progredi poterant, cum nec ipse Rmus. pro tempore plura praestare potuisset. Sed vix duobus aut tribus annis praenominatus D. *Martinus* huic parochiae praefuit, ibidem ex tabe et phtisi a. 1600 mense Dec. in Domino obdormivit. Qui deinde 18. eiusdem a suo successore R. D. *Petro Tursino*, ut haec omnia hic simul referam, olim quoque Summi Pontificis alumno et per cantores *Waidhofenses* ipsis etiam plurimis Weyrensibus praesentibus et funus comitantibus quam honorificentissime in parochiali templo Weyrensi sepultus est. A quo tempore haec parochia in hodiernum diem successive omnes catholicos parochos aut fratres conventuales aut etiam laicos sacerdotes habuit nec Weyrenses hactenus quicquam contra moliri vel mutire ausi sunt, licet forte a. 1620, dum omnia sursum deorsumque ruebant, non nihil sperare coeparent.

Quidquid hic Rmus. D. abbas *Martinus* cum Weyrensibus viriliter tentavit feliciterque executus est, idem cum *Styrensisbus* sibi faciendum esse non dubitavit. Erat ibi cum aliis insulsi et fictis praedicabilibus quidam professus, ut supra dictum est, *Wolfgangus Lampel* nomine, de *Kirchdorf* oriundus. Hic olim Styrensisbus, dum adhuc catholicus sicuti etiam ipsi fuerant, pro vero parocho datus fuerat. Hic vero pro temporum deploratissima consuetudine, uti iam ante dictum est, uxorem quoque duxerat, cum qua paulo post tam religionem monasticam quam etiam catholicam fidem abiuravit et una cum aliis Styrae haeresim, quamquam ille pro sua persona parum effecisset, cum vir simplex videretur, disseminavit urbemque ab avita religione abduxit.

Sed quia hic in negotio religionis aliquid attentare multo difficilius periculosiusque quam in oppido *Weyr* videretur, alia via rem aggressus est. Ergo propter illius acerrimam instantiam a Caes. Maiest. generoso et illustri D. capitaneo superioris provinciae supremo D. *Löbl* commissum est, ut Styrensisbus serio demandaret, quatenus continuo et sine omni contradictione aut ulla mora adhuc a. 1599 omnes suos praedicantes sive mavis eos praedicabilia nomina, quorum apud Porphyrium solum quinque numerantur, ex urbe excedere iuberent atque proinde omne exercitium haereticum inhiberent. Neque solum hoc, sed insuper omnes scholae tam germanicae quam etiam latinae interdictae et prohibitae sunt idque sub gravissima interminatione magnae poenae et multcae pecuniariae. Quia ergo generosus D. per se vir gravis et magnae auctoritatis erat necnon alias clarissimos viros similiter Caesareos commissarios secum habebat, non difficulter hoc apud

Katholische
Refor-
mation in
Steyr.